



## Universitätsbibliothek Paderborn

### Geistliche Hauß-Bibliothec

Allgemeiner Hauß-Catechismus/ Das ist/ Kurtze vnd gründliche Erklärung  
aller derjenigen Lehren/ welche ein jeder Christglaubiger Mensch zur  
Erhaltung vnd Beschützung seines Glaubens wissen/ vnd sonderlich in  
Obacht nemmen soll

**Lohner, Tobias**

**München, 1685**

2. Einred.

**urn:nbn:de:hbz:466:1-44834**

### Audere Einred.

**B**ey vns ist allein das reine Wort Gottes / das  
lehren / hören / vnd singen wir / das kan vns  
nit betriegen.

### Antwort.

**W**ie dergleichen süßen / sammeten Worten wer-  
den vil einfältige vngewahrnere Herzen vers-  
führet / vnnnd ins Elend gebracht. Das Wort  
Gottes haben sie von vns bekommen / vnnnd wäre  
zu wünschen / daß sie es rein vnd vngeändert behal-  
ten / vnd gelehrt hätten / so wären sie nit in Irweeg  
der Lehr gerathen. Wir Catholische gehen die alte /  
richtige / vnd sichere Strassen / lesen vnnnd verstehet  
die Schrift / wie solche die vhralte Kirchenlehrer  
gelesen vnnnd verstanden haben / so in Hebræischer /  
vnd Griechischer Sprach geböhrn / vnnnd selber bes-  
ster massen erfahren gewesen : erkennen darneben  
für ein Richter in Glaubens-Sachen die allgemeyne  
Kirch / welche für ihre Regel hat das geschribene /  
vnd vngeschribene Wort Gottes / wornach sie vns  
fehlbar vertheilet / vnd kan vns nit betriegen.

### Dritte Einred.

**D**ie Schrift brauche keiner Auslegung : Ist  
Sonnenklar / vnd leicht zu verstehen.

¶ 0 ¶

Sit 2

Ant: